



咨



大總統咨參議院提議實業部呈送商業註冊章程文

茲據實業部呈稱敝部成立以來各埠公司呈請保護註冊立案給示等事紛至沓來若非妥訂劃一章程頭緒茫然實無以資遵守之策邇者民國統一大功告成所有全國各種公司及一切商店皆持有前清政府發給部照儼若尚在清之勢力範圍內者山河依舊主體已非門懸漢室彩旗家貯滿虜印照既墜體制之尊嚴復缺政令之完備與念及此良用慄然伏思東西文明國商業登記例歸初級審判廳職掌以便商人就近登記家喻戶曉遇有訴訟質辯等案易於發見不滋欺詐然註冊給照之性質微有差異中央集權責有攸歸允宜由敝部詳加釐訂章程頒行全國查日本商業註冊諸稅所課亦甚嚴重每千分抽收五分或四分不等英美及歐洲大陸諸邦大都有有限公司及一種特別營業未經商部註冊不允開設誠以注重公司財產保衛債主權利上以裕國課之支艱下以順商戶之籲懇法美意良洵堪採納惟牙帖一項亦非領有部頒執照不准成立但課稅高低古今中外畧有不同敲膚吸髓有至一帖恒納千金左右者昔日滿政府是也年

易月徵動輒嚴權商民者今日之俄羅斯是也今以恤商起見減其徵額亦歸商業註冊一律辦理以免紛淆此外尚有獨出資本之商號每亦有至請註冊之時似宜一體允其自由呈註不令偏枯方與共和政體宗旨不悖爲此酌擬商業註冊章程庶得統一而臻妥善相應備文呈請大總統俯賜察核迅即咨送參議院議決公布施行等情前來合繕具該項章程咨送貴院察照議決以便頒行此咨

內務部咨陸軍部雲南千崖土司刁安仁稟請頒發品級服章正式公文

頃奉大總統令開茲據雲南千崖土司稟請頒發品級衣章正式公文前來仰該部咨商陸軍部辦理可也此令等因查各處土司行政固在中央政府統籌之中惟呈中所稱土司之屬於武職者仿陸軍部所定衣服現章按級服被等情有無窒碍應如何酌給等級之處請貴部核定咨覆以便飭遵此咨

江西都督馬咨復陸軍部改良軍醫辦法電文

南京陸軍部鈞鑒個電悉軍醫司藥姓名履歷當即造冊呈報惟敝省除原有衛戍病院

之外軍隊軍醫悉以中醫充之既不能診治傷病於現在復不能防遏病疫於未來實與軍隊衛生大有妨碍無如新醫學人才缺乏無處聘充只可略為放任現擬設一軍醫講習所飭現有軍醫悉行入所講習另設軍醫學校一所四年畢業以為將來撤換之地步再於軍隊中挑選兵士教以擔架學以為編練衛生隊之基礎至於派委軍醫之事昌省之意現在軍醫雖無完全學識能堪以派充亦應慎重擬由本省軍醫總機關考選合格者分別委用具呈報鈞部立案不得由各軍隊自行呈請派委某某以一規制而重衛生是否有當即請電復施行贛都督馬統寶宥印

陸軍部咨復江西都督整頓軍隊衛生機關電文

江西都督馬鑒宥電悉查軍醫為服役軍務軍隊衛生勤務之重要機關凡不學無術之中醫一概不准濫竽充數此意迭經通電各省軍隊在案現貴省雖因人才缺乏為通融辦理起見亦祇能嚴加攷選酌留少數分派下級以暫時供專門醫才之指揮擬設軍醫學校一節本部已飭軍醫局妥議章程早晚當可發布貴省即可遵照該章辦理軍醫講習所亦祇能於軍醫學校成立後斟酌情勢附設一科未足為適當辦法至於各省軍隊

軍醫之任免本應由各省軍醫最高總機關從嚴甄錄分別委用並一面由該軍醫機關呈報本部核准存案以一規制卽希貴都督查照轉飭遵行陸軍部總長黃興東

令示

大總統令內務部曉示人民一律剪辮文

滿虜竊國易於冠裳強行編髮之制悉從腥羶之俗當其初高士仁人或不屈被執從容就義或遁入緇流以終餘年痛矣先民慘罹荼毒讀史至此輒用傷懷嗣是而後習焉安之騰竿五洲恬不爲怪矧茲縷縷易萃黴菌足滋疾癘之媒殊爲傷生之具今者滿廷已覆民國成功凡我同胞允宜滌舊染之污作新國之民茲查通都大邑剪辮者已多至偏僻壤留辮者尙復不少仰內務部通行各省都督轉諭所屬地方一體知悉凡未去辮者於令到之日限二十日一律剪除淨盡有不遵者違法論該地方官毋稍容隱致干國犯又查各地人民有已去辮尙剃其四周者殊屬不合仰該部一併諭禁以除廢俗而壯觀瞻此令

大總統令法制局審定南京市制文

茲據內務部繕具兩京市制草案呈請交該局審定前來查此項草案關係重要仰該局悉心審定斟酌盡善仍呈候咨交參議院議決勿延爲要此令

大總統令內務部咨商陸軍部核辦雲南干崖土司行政改革及品級章服由

茲據雲南干崖土司刁安仁呈擬整頓騰永龍順各屬土司行政各條及稟請領給品級衣章正式公文等件先後具呈前來查籌邊固圉前代久視爲要圖况值共和建國凡屬版圖內含生負氣之倫皆當同享共和幸福政教所及尤不能有畸輕畸重之分此後對於各處土司行政如何改革如何設施皆中央政府所應有之事合就將原呈發交該部呈即查照酌核轉飭施行至於該土司請給陸軍品級衣章一節并由該部咨商陸軍部辦理可也此令

大總統批雲南干崖土司刁安仁條陳各土司行政興革事宜呈

籌邊固圉久爲要圖况在共和時代凡我民國含生負氣之倫皆歸統治政教所及夙無彼此之分據該土司所陳各節間有可行仰候令行內務部酌核辦理可也此批

大總統批刁安仁稟請頒給陸軍品級服章并正式公文以便遵辦呈
呈悉已發交內務部咨商陸軍部核辦矣此批

大總統批錢廣益堂尤福記懇請維持交通銀行損失援照大清銀行
辦法呈

據呈已悉仰候財政交通兩部核辦遵行可也此批

大總統批商人汪俊升稟舊東強迫諭換招牌叩求伸雪呈

民刑裁判自有專司仰即進赴該管轄之審判廳呈訴可也此批

內務部令巡警總監保護樹木文

森林發達工藝賴以振興樹木陰翳氣候始能適度則各處所有材木自應極力培植以
期蕃衍茲聞皇城一帶柳樹被居住皇城內小茅屋之羅金榮擅行砍伐仰即速派警丁
查拿究辦以儆效尤而維公益並甯城內外樹木蕃殖之地務須隨時派人逡巡嚴加保
護俾絕丁丁之響而免濯濯之虞此令

教育部批江蘇武進縣公民劉桐呈駁縣參事會支配學務經費種種

不當呈

據呈已悉所陳籌辦高等實業學堂應屬省行政範圍不應以常州地方經費辦理減少縣議會及改高等小學經費移充男女師範及附屬小學節省教育會農會之費以充社會教育經費各節均不爲無見候咨行江蘇都督查明核辦可也此批

教育部批中華民國模範忠裔院發起人伍崇敏等請立案并予補助呈

據呈已悉該發起人等擬創設忠裔院專收陣亡民軍之裔分男女兩院教授自係爲體恤忠裔振興教育起見暫行准予立案惟將來學校令頒布後一切應按照該令辦理至補助一節本部甫經成立財力未充應無庸議此批

教育部批女子法政學校發起人李華書柴峰等請立案并撥款補助呈

據呈已悉該發起人等創設女子法政學校養成法政智識爲參政之預備事屬可行應暫准立案惟專門學校令現在尙未頒布俟頒布後該校一切均宜遵照該令辦理至撥

款一節本部甫經成立財力實有未及應無庸議此批

紀事

財政部請派李象權監理中國銀行呈

爲呈請事竊查中國銀行具中央性質發行紙幣經理國債與普通銀行不同關係甚大應卽派員監理檢查該行之票據現金及一切帳簿並出席於股東總會及其他一切會議陳述意見隨時報告本部以便察核查有李象權熟諳情形堪以派充是職除委任該員前赴該行認真辦理外理合呈請察核伏乞垂鑒謹呈


財政部請添派陳同紀爲駐日募債會辦呈

爲呈報事公債司案呈竊本部募集旅日僑民公債事宜前蒙大總統委任何永亨嚴汝麟兩君爲駐日募債特派員業已轉行知照在案惟民國新立需財孔亟茲事重大自非添派會辦人員共同襄理深恐事繁時促難以兼顧茲查有陳同紀君留東多年情形熟悉堪以派爲駐日募集公債會辦所有一應募債事宜該會辦應隨時商同何嚴二特派員妥慎辦理至募債關防及正式債票現在陳會辦不日起程擬令其親自帶往以期妥

速除分行外爲此呈報大總統俯賜察核並乞備案實爲公便須至呈者

內務部報告禁賭呈

爲呈報禁賭事竊維賭博陋習最爲社會之害律法在所必禁祇以光復之際軍事倥傯未及整理刻已南北統一國是大定將欲修明內治必先革除社會陋習矧去秋各處頻告歉收兼值軍興人民生計類多困難賭博爲巧取人財既背人道主義尤於現時民生多所妨害亟應嚴切禁止爲我共和國民祛除污點現經本部分咨各部各都督並飭南京巡警總監暨南京府知事切實執行無論何項賭博一體禁除凡人民宴會游飲集合各場所一概不准重蹈賭博舊習其店鋪中有售賣各種賭具者卽著自行消燬嗣後永遠不准出售責任各該地方巡警嚴密稽查倘有違犯各按現行律科罪以絕賭風而肅民紀合將禁賭緣由具文呈報伏乞鑒核施行須至呈者



雜報



外交部廣告

本部於三月二日遷鼓樓前獅子橋所有電報公文各項函件希按址投遞爲盼


陸軍部廣告

雜報

第二十九號

十

本部王春輔於三月一日往演武廳辦公遺失本部通行證銅牌一塊他人檢得作為無效特此通告




臨時政府公報

附錄

中華民國元年三月五日星期二

隨報附出 不另徵費



電報



南京孫大總統鑒昨夕三時第三鎮駐城內兩營因誤聽謠言譁變搶掠城內外街市繼以放火旋經彈壓秩序業已回復察專使所駐法政學堂適在鬧事左近亦被搶掠蔡公及同行諸君均分途避出幸各無恙今晨移寓六國飯店事出倉猝又在夜間防範不周至爲歉仄除派員妥爲照料並嚴懲亂兵外特先電聞希轉知各省勿聽謠言幸甚袁世凱東印

(北京來電八十三)

袁大總統孫大總統都督均鑒接准中央內務部電開奉大總統令開中央行政各部名稱爲部各省都督所屬之行政各部應改稱爲司法仰各分電各省都督一律照辦等因奉令電知現已遵照辦理從軍務部起一律改司除另咨並電內務部外特先電聞元洪

(武昌來電八十四)

孫大總統參議院各部總次長武昌黎副總統申民立報天津民意報公鑒前電所稱未知下落諸君均已到請勿念元培等叩東印
(北京來電八十五)

孫大總統黃參謀總長鑒勸電悉奉省善後辦法已囑段軍統與藍都督派備戴范二代表面商一是業有頭緒戴君今日回烟台將所議情形轉致藍君趙督處昨已電飭對於民軍派員和平接洽惟擾亂治安者仍應視爲公敵特復袁世凱艷
(北京來電八十六)

孫大總統鈞鑒奉電敬悉鎮江流通米糧雖據擬章請示以事關民食尙未批准若如滬商所言似已弛禁殊屬謬誤已電飭當塗民政長據實查復先此上聞莊蘊寬叩東
(蘇州來電八十七)

孫大總統黃總長鑒奉天事已與袁唐二公商妥辦法俟回烟台與藍都督接洽後當即詳細電陳戴天仇叩東
(天津來電八十八)

大總統孫內務部大總統袁都督莊鈞鑒前因江北民政總長缺員奉孫總統一再電諮會由到浦十六縣代表公推宿遷沈新萍睢甯張含章寶應劉綬曾三代表赴甯面謁孫總統請示辦法二月十五日三代表回浦面陳奉總統令改爲江北民政司仍由地方公

舉前於二月二十七日由在浦十五縣代表正式投票舉定江北民政司正長季龍圖次多數馬士杰又舉定次長張祖焱次多數王爲毅除分別知照外合亟電聞江北
叩勘印


(清江浦來電八十九)

上海申報暨各報館南京公報局北京國風日報館均鑒前因江北民政總長缺員奉孫總統一再電諭會由到浦十六縣代表公推宿遷沈新萍睢甯張含章寶應劉綬會三代表赴甯面謁孫總統請示辦法二月十五日三代表回浦面陳奉總統諭令改爲民政司仍由地方公舉茲於二月二十七日由在浦十五縣代表正式投票舉定江北民政司正長季龍圖次多數馬士杰又舉定次長張祖焱次多數王爲毅合亟電聞請登報江北蔣雁行冬

(九十)

交通部長鑒勘電祇悉商局江輪復開長江昨已登報准今日起此後攔班開駛往來請通電沿江各省都督保護並請轉電鄂交通部迅將快利固陵兩船發還以便行駛宜漢轉運各貨實感公誼招商總局叩艷

(上海來電七十九)



告白



總統府秘書處廣告

現於本府東西柵門外設立揭示處凡來本府投遞呈件者分別事項量子批答揭示該處以三日爲限過期揭去嗣後凡來本府投遞呈件人等希一體知照總統府秘書處白

總統府印鑄局啟事

本局自接辦南洋印刷廠後前茅總理乃登所欠洋行暨各員司薪水技師工資並經手借款等項已由局領款如數分別交付清楚用特開單登報俾衆咸知

計開 一付信記洋行紙款規元銀三百兩零 一付茅乃登大洋一千元 一付朱會計大洋二百元 一付各員司薪水大洋一百五十三元 一付技師藝徒工資大洋六十五元 一付引擎小工資大洋八十元 一付夫役工食大洋四十元 一付（組版裝訂）各課夜工資大洋二百五十八元零 一付廚房大洋八十一元零

統計 規元銀三百兩零
大洋一千九百七十七元零

黃復生 彭丕昕 謹白

印鑄局工廠發行所廣告

（住花牌樓吉祥街）

本局發行所接收伊始所有從前刷印兵學操典及信箋摺券各項現以民國成立各界購用者甚夥刻經酌定減價統限大洋七折出售若有購至二十元以上者以六折計算如承 賜顧無不竭誠歡迎但所存無多切須爭先購買幸毋觀望自誤 印鑄局謹白

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民諷誦良用慙焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

教育部通告

本部現因學校尙未頒布故於辦理學校之人到部呈請立案者一概從緩批准誠恐外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布

臨時政府公報局告白一

各省官廳所有暫行條件命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉覘地方之情況而彰民治之精神

臨時政府公報局告白二

各處有願爲公報販買所者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽飭發行所照寄空函定報概不答覆

本報暫定則例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰咨曰令示曰紀事曰抄譯外報曰雜報其
子目見前

四 本報日出一冊如遇國家紀念日星期日政府停止辦公時本報亦休
刊一日

五 政府對於各地所發令示或宣布法律凡載登本報者公文未到以本
報到後爲有效

六 凡各官署皆有購閱本報之義務唯具印文請領者皆照定價五折徵

納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

常州 大街老王大昌

無錫光復門內新橋二十一號會瑞武

蘇州城內因果巷四十一號許宅

上海

民立報

大共和報

時報

申報

新聞報

天鐸報

時事新報

啓民愛國報

神州報

中外日報

上海寶善街及順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中國報

少年報

自由新報

檀香山

印刷所 臨時政府印鑄局工廠